



Inatsisartut
/maani

Att. Intsisartunut ilaasortaq Naaja H. Nathanielsen, Inuit Ataqtigiit

Uunga akissut Inatsisartunut ilaasortaq Naaja H. Nathanielsen, Inuit Ataqtigiit

06-01-2014
Sags nr. 2014-094154
Dok. nr. 1438781

18. december 2013-imi Naalakkersuisut Namminersorlutik Oqartussat neqerooruteqartitsisarnerat pillugu apeqquteqarfigaatit.

P. O. Box 1037
3900 Nuuk

Tel. (+299) 34 50 00
Fax (+299) 34 63 50

E-mail: oed@nanoq.gl
www.nanoq.gl

1. Inatsisinut atuuttunut naapertuuppa, Namminersorlutik Oqartussat neqeroortitsinerminni PIUMASAAQAATIGISARMASSUK neqeroorutigineqartussapqallunaatut nassiunneqartarnissaa?

Akissut:

Oqaatsinut politikki pillugu Inatsisartut inatsisaat nr. 7, 19. maj 2010-meersoq naapertorlugu Naalakkersuisut isumaqarput kalaallit oqaasii Kalaallit Nunaanni pisortatigoortumik oqaasiusut pisortallu ingerlatsineranni atorineqartussaallutik. Taamaammat pisortanit allagarineqartut tamarmik pingaarnerusutigut kalaallisuujsariaqarput.

Taamaattoq neqeroorutit teknikimut tunngasuusinnaapput, taamaammat Namminersorlutik Oqartussat allanik oqaatsinut tunngatillugu piumasaqaateqartariaqarlutik, tassani oqaatsit atorineqartut neqeroorutigineqartullu apeqqutillu assigiimmik paasineqarnissaat eqqarsaatigalugu allaanerusumik pissuseqarnissaq pisariaqartinneqalersarmat.

Pisortatigoortumik isigalugu qallunaat oqaasiisa atorineqarnissaannik piumasaqaat oqaatsinut politikki pillugu Inatsisartut inatsisaat nr. 7, 19. maj 2010-meersumut akerliunngilaq, tassami tassani § 3, imm. 3-mi allassimammat, danskit oqaasii pisortatigut ingerlatsineranni atorineqarsinnaasut.

2. Inatsisinut atuuttunut naapertuuppa, Namminersorlutik Oqartussanit PIUMASAQAATIGINEQARTARMAT neqeroortitsinermut aalajangersimasumuttunngassuteqartumik apeqqutit tamarmik qallunaatut nassiunneqartarnissaat?

Akissut:

Immikkoortoq 1-imut akissut takuuk.

3. Naalakkersuisut pisiniartarnermut politikkiannut naapertuuppa suliffeqarfiit neqerooruteqarsimasut suliamik ingerlatsineq pillugu naammagittaalliuteqarnissaminnut periarfissaqartinneqannginnerat?

Akissut:

Naalackersuisut ilisimatitsissutigissavaat pisortat pisiniartarnerat pillugu kaajallaasitaq atuuttoq, Namminersorlutik Oqartussat qitiusumik allaffeqarfianni suliffeqarfiutaannilu pisiassanik sullissinernillu pisiniartarneq pillugu Kaajallaasitaq 24.09.2010-meersumi § 19, imm. 1 malillugu periarfissaqarmat Aningaasaqarnermut Nunamullu Namminermut Naalackersuisoqarfimmut naammagittaalliummik nassitsinissamut.

4. Pisortat neqerooruteqartarnerannut tunngatillugu Naalackersuisut namminneqpiffisami matumani ingerlatseriaaseqarnertik naammaginartuusoraat?

Akissutit:

Naalackersuisut pingaartilluinnarpaat pisortanit neqeroorutit pisortanit ingerlanneqarnerat assigiimmik naapertuilluartumillu atugassaqartitsilluni pissammat. Taamatorluinnaq Naalackersuisut siunertaraat suleriaatsip paasiuminarnerulersinneqarnissaa pitsaanerulersinneqarnissaalu. Taamaammat maannakkut Naalackersuisuusut 2013-imi pisortat pisiniartarnerat aamma Qitiusumik Pisiniartarfik aallunnerulerpaat ataasiinnarmik sulisoqaraluartoq pingasunik tamakkiisumik sulisartunik sulisoqalersillugu. Ukiuni kingullerni arlaqaleqisuni piffissaq tamakkerlugu sulisartumik sulisoqarsimavoq immikkoortorta qarfinnik pisortat neqerooruteqarfigineqarneranni siunnersuisartumik ikiuuttartumillu. Taamaannerata siusinnerusukkut pisortat pisiniartarnerannik ineriartortitsineq killilersorsimavaa.

Naalackersuisut naliliipput pisortat pisiniartarnerat annertuumik suli ineriartorteqinneqarsinnaasoq. Naalackersuisut inuiaqatigiinnut iluaqutaasumik taamatut ineriartortoqarnera tapersorsorlugulu suliniarput. Naalackersuisut naliliipput Inuiaqatigiinnik ineriartortitsineq eqqarsaatigalugu neqeroorutini pisortat ingerlatsineranni ingerlariaqqittoqartarnissaa pingaaruteqartoq, pisortat suliffeqarfianni nukittuumik patajaatsumillu ineriartortitsisinnajumalluni, tassani pisortat neqeroorutaat nalinginnaasumik ingerlatsimut ilaatillugit, tassa pisortat pisiniassagaangata. Taamatutaaq paasiuminartumik, unneqarissumik naligiimmillu pisiniarfigisartakkanut pissusilersortarneq ilaatigut EU-mut suleqatigiinnissamik isumaqatigiissummi erseqqissumik pisariaqartitaavoq.

Inussiarnersumik inuulluaqqusillunga
Med venlig hilsen


Vittus Qujaukitsoq